



სატენდერო დოკუმენტაცია

ვებ-გვერდის რეკონსტრუქციის მომსახურების შესყიდვა

გამარტივებული

ელექტრონული ტენდერის საშუალებით
(დაფინანსების წყარო – სახელმწიფო ბიუჯეტი)

სავარაუდო ღირებულება 10 000, 00 (ათი ათასი) ლარი

(CPV – 72413000)

1. ტექნიკური დოკუმენტაცია

1.1 ანგარიშსწორების პირობები:

1.1.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით;

1.1.2 ანგარიშსწორება უნდადო ანგარიშსწორებით ლარებში;

1.1.3 ანგარიშსწორება მოხდება წარმოდგენილი შესაბამისი დოკუმენტისა და მიღება-ჩაბარების აქტის გაფორმებიდან 10 დღის განმავლობაში;

1.1.4. წინასწარი ანგარიშსწორება (ავანსი) არ გამოიყენება;

2. ტექნიკური დავალება

2.1 კონტენტის დახასიათება:

ვებგვერდის დიზაინი და სტრუქტურა უნდა იქნას დაგეგმილი იმგვარად, რომ ინფორმაცია და ძირითადი კონტენტი იყოს მარტივად მოძებნადი, დინამიური და ინტუიციური ნავიგაციით.

ძირითადი კონტენტი იყოფა შემდეგ კატეგორიებად (ჩამოთვლილი არ წარმოადგენს მენიუს პუნქტებს, თუმცა განსაზღვრავს მის ძირითად ჩამონათვალს):

მთავარი

სახალხო დამცველი

- მიმართვა
- ბიოგრაფია
- ხელმძღვანელის კომპეტენციის აღწერა;
- ხელმძღვანელის საკონტაქტო რეკვიზიტები
- მოადგილის საკონტაქტო რეკვიზიტები

ჩვენს შესახებ

- ზოგადი ინფო
- დაფუძნების თარიღიდან მოყოლებული დეტალური საქმიანობის ისტორია
- სტრატეგია
- ინფორმაცია საქმიანობის შესახებ - გზამკვლევი
- ზოგადი ინფორმაცია სტრუქტურის შესახებ
- სტრუქტურის სქემატური (სისტემის სტრუქტურული ხე) ან ინფორმაციული აღწერა - მრავალფუნქციური
- დეპარტამენტების, ცენტრების, რეგიონული ოფისების ხელმძღვანელების სახელები და გვარები, კომპეტენცია, ტელეფონის ნომერი (ქალაქის), საკონტაქტო რეკვიზიტები
- შიდა რეგულაციები - დებულება, შინაგანაწესი, სამსახურში მიღების წესი (საჯარო სამსახურის კანონი) და ა.შ.

სიახლეების არქივი

- კალენდარი
- რეკომენდაციები
- გამოსვლების, განცხადებების და ბრიფინგების სრული ტექსტები
- სახალხო დამცველის აქტივობები
- აპარატის აქტივობები
- სიახლეების გამოწერა

პუბლიკაციები და ანგარიშები

- საპარლამენტო ანგარიშები
- სპეციალური ანგარიშები
- პუბლიკაციები - ბროშურები, ბუკლეტები

კანონმდებლობა

- კანონი სახალხო დამცველის შესახებ

- კონსტიტუცია
- ადამიანის უფლებები - საერთაშორისო აქტები - მათ შორის თემატურად

საჯარო ინფორმაცია

- საჯარო ინფორმაციის გაცემაზე პასუხისმგებელი პირის საკონტაქტო ინფორმაცია
- საჯარო ინფორმაციის მოთხოვნასთან, ხელმისაწვდომობასთან, გაცემასთან, გაცემაზე უარის თქმასთან, გასაიდუმლოებასთან და ინფორმაციის თავისუფლების სხვა საკითხებთან დაკავშირებული სამართლებრივი აქტები
- ოფიციალურ ვებ-გვერდზე ადმინისტრაციული საჩივრისა და საჯარო ინფორმაციის მოთხოვნის ჩამოსატვირთი ფორმების/ნიმუშების არსებობა
- შესული საჯარო ინფორმაციის გაცემასა და გაცემის მოთხოვნაზე უარის თქმის თაობაზე მიღებულ გადაწყვეტილებათა რაოდენობის შესახებ ინფორმაცია - სტატისტიკა
- საჯარო ინფორმაციასთან დაკავშირებული განცალკევებული განყოფილების არსებობა საჯარო დაწესებულების ვებ-გვერდზე
- ტენდერები

მე ომბუდსმენი

- რა არის მე ომბუდსმენი
- თამაშის წესები
- სწორი პასუხები
- 3 რაუნდში გასული გუნდები
- ხშირად დასმული შეკითხვები
- ფოტო გალერეა
- შესვლა

კონტაქტი

- საერთო საკონტაქტო ინფორმაცია, საფოსტო მისამართი (ინდექსით), ფაქსის ნომერი, ელ-ფოსტის მისამართი
- ადგილმდებარეობა (მთავარი ოფისი, რეგიონები, რუკა და სხვა საკონტაქტო რეკვიზიტები)
- მისაღების, ცხელი ხაზის ან საზოგადოებასთან ურთიერთობის სამსახურის ნომერი
- სისტემის სრული სარეკვიზიტო ცნობარი (ყველა სტრუქტურული და ტერიტორიული ერთეულის სატელეფონო ცნობარი, ელ. ფოსტა, საფოსტო მისამართი და ფაქსის ნომრები)
- ფიზიკური და იურიდიული პირების მიღების და მათთან მუშაობის გრაფიკი
- რეგიონული ოფისები

მიმართე ომბუდსმენი

- სამართალდარღვევათა შესახებ (უფლებათა დარღვევის, შემთხვევათა და მისთ. შესახებ) განცხადებათა მიღების მიერ განსაზღვრული წესი
- **ტოლერანტობის ცენტრი**
- **ვებ-გვერდი Tolerantoba.ge** ინტეგრირებული ძირითად გვერდზე

შეზღუდული შესაძლებლობების მქონე პირთა უფლებების დაცვის სამმართველო (ცენტრი)

- შშმ პირთა უფლებათა დაცვის ცენტრის შესახებ
- სახელმწიფო პოლიტიკა
- სამართლებრივი აქტები
- საერთაშორისო კონვენციები
- საკონსულტაციო სამსახურები
- პროექტები
- ანგარიშები
- სიახლეები
- ფოტო/ ვიდეო გალერეა

ბავშვის უფლებათა ცენტრი

- ბავშვთა ცენტრის შესახებ
- ბავშვის გვერდი

- სამართლებრივი აქტები
- საერთაშორისო კონვენციები
- ბავშვთა მრჩეველთა საბჭო
- პროექტები
- ანგარიშები
- სიახლეები
- ფოტო/ ვიდეო გადაღება

გენდერული თანასწორობის ცენტრი

- გენდერის ცენტრის შესახებ
- სამართლებრივი აქტები
- საერთაშორისო კონვენციები
- პროექტები
- ანგარიშები
- სიახლეები
- ფოტო/ ვიდეო გადაღება

პრევენციის ეროვნული მექანიზმი

- პრევენციის ეროვნული მექანიზმის შესახებ
- პრევენციის ეროვნული მექანიზმის ანგარიშები
- პრევენციის ეროვნული მექანიზმის სიახლეები

ფოტო- ვიდეო გალერეა

- ფოტო გალერეა
- ვიდეო გალერეა

ბიბლიოთეკა

- ელექტრონული ბიბლიოთეკა
- ელექტრონული ბიბლიოთეკიდან ელ_ფორმატში მასალების გადმოწერის შესაძლებლობა

სტატისტიკა

- ოფიციალური სტატისტიკური ინფორმაცია
- რეკომენდაციები - სტატისტიკური ცხრილები - გრაფიკები და ტექსტუალური მასალა
- წინადადებები - სტატისტიკური ცხრილები - გრაფიკები და ტექსტუალური მასალა
- შემოსული განცხადებების სტატისტიკური ცხრილები - გრაფიკები და ტექსტუალური მასალა

საქმის მოძრაობის ბაზები

- საინფორმაციო სისტემა - რომლის მეშვეობით მომხმარებელს ექნება შესაძლებლობა იხილოს მისი საქმის შედეგები

დონორები და პარტნიორები

- დონორები, პროექტები
- საერთაშორისო ორგანიზაციებთან ურთიერთობა - წევრობა საერთაშორისო გაერთიანებებში
- სხვა საჯარო დაწესებულებებთან ურთიერთობა - მემორანდუმები

რეგიონალური ოფისები:

- რეგიონალური ოფისების მისამართები, რუკაზე აღნიშნით
- ოფისების საკონტაქტო ინფორმაცია

Online კონსულტაცია

- ონ_ლაინ კონსულტაციის ფორმა
- ტექსტური შეტყობინებების შესაძლებლობა

საჯარო ინფორმაცია
ტენდერები, კონკურსები
საიტის რუქა
ვაკანსიები - სტაჟირება
მისასალმებელი ვიდეორგოლი
ძიება
სასარგებლო ბმულები
სიმბოლიკა
განცხადებათა შაბლონები
ხშირად დასმული კითხვები და სხვა
თემატური კატალოგები
უკუკავშირის ფორმები
გვერდები სოციალურ ქსელებში და საერთოდ ინტერნეტ სივრცეში (myvideo.ge, facebook.com, Wikipedia.org, youtube.com, twitter.com, google.com და ა.შ.) და სხვა
ონლაინ სერვისები
საკონტაქტო ფორმა
მისამართები
ცხელი ხაზი

შენიშვნა: წარმოდგენილი პუნქტების დაზუსტება შესაძლებელია დამკვეთთან.

- ვებგვერდის მთავარი/საპრეზენტაციო გვერდი მარტივად უნდა ასახავდეს ორგანიზაციის საქმიანობას. უნდა იყოს გამოტანილი ძირითადი, ყველაზე მნიშვნელოვანი და უახლესი ინფორმაციული ბლოკი.
- კონტენტში მნიშვნელოვანი ინფორმაცია უნდა იყოს გამოყოფილი „ბოლდით“ ან სხვა საშუალებით.
- ძირითადი საკითხავი გარემო იყოს კონტრასტული (ნათლად იყოს გაყოფილი ტექსტი ფონისაგან).
- დაცული იყოს ფერთა გამა.
- ძირითადი ტექსტის ყველაზე მინიმალური ზომა იყოს 10 პიქსელი (არ ეხება სათაურებს და სხვა მესიჯებს).
- ვიდეოს შემთხვევაში გამოყენებულ იქნას .FLV ან .SWF ფორმატი.
- ფოტოს შემთხვევაში გამოყენებულ იქნას .PNG ფორმატი.
- Standart (Default) Font ვებ-გვერდის ქართულ ენოვან ვერსიაში ტექსტი უნდა იყოს უნიკოდი.
- კონტენტის ნებისმიერ საბეჭდ ვერსიაში უნდა არსებობდეს ორგანიზაციის სრული დასახელება და სიმბოლიკა.
- სადაც გვხვდება ტექსტის შესატანი ველი აუცილებელია მას ქონდეს ახსნა-განმარტება თუ რისთვის გამოიყენება ეს ველი.
- ველების აღნიშნული განმარტებითი ბლოკები უნდა გამოდიოდეს დინამიურად მხოლოდ ველზე მითითების შემთხვევაში.
- ჩასაწერ ველებში სადაც აუცილებელია ქართული ფონტი მომხმარებელს უნდა შეეძლოს ვებ-გვერდის გამოყენებით ჩაწეროს ქართული ასოები და არა სისტემაში ენის შეცვლით.
- თუ გვერდი ან მისი რომელიმე კომპონენტი იტვირთება რთულად (სჭირდება შედარებით ხანგრძლივი დრო სხვა გვერდებთან ან/და კომპონენტებთან შედარებით) მაშინ უნდა გამოდიოდეს ჩატვირთვის მაჩვენებელი (ლოუდერი).

2.2 საიტის კონტენტის რეალიზებისათვის საჭირო ფუნქციონალის ზოგადი აღწერა:

- მენიუ

კონტენტში ნავიგაციისათვის საჭიროა არსებობდეს სტანდარტული მენიუ. არ არის სავალდებულო ის იყოს სტანდარტული (ჰორიზონტალური თუ ვერტიკალური) სახის (მითუმეტეს მთავარ გვერდზე) მაგრამ უნდა იყოს მომხმარებლისთვის ჩვეული, ინტუიციური და არ უწევდეს მისი ძებნა. მენიუს მთავარი პუნქტები უნდა იყოს დაყოფილი იმგვარად, რომ ეხმიანებოდეს მიზნობრივი ჯგუფების მთავარ ინტერესებს. მენიუ ხელმისაწვდომი უნდა იყოს საიტის ნებისმიერ გვერდზე. ამასთან ნებისმიერ გვერდზე გადასვლისას სადმე უნდა აღინიშნოს თუ რა გვერდზეა მომხმარებელი და რა პუნქტები (გზა) გაიარა მან მოცემულ შიდა გვერდამდე მისვლისას.

- ძებნის ველი

საიტზე უნდა არსებობდეს საძიებო პანელი მარტივი და გაფართოებული ძებნით. გაფართოებულ ძებნაში შესაძლებელი უნდა იყოს სხვადასხვა პარამეტრების არჩევა იმისდა მიხედვით თუ რა ტიპის ინფორმაცია ჭირდება მომხმარებელს. გამოტანილ ძებნის შედეგებში ფერით უნდა გამოიყოს საკვანძო სიტყვები.

- ინტერაქტიული ფორმები. ვებ-გვერდზე რაიმე შესავსები ფორმა უნდა არსებობდეს როგორც გადმოსატვირთი ასევე ონლაინ შევსების ფორმა. კერძოდ კი, მაგალითად შემდეგი განცხადებების:

- ტენდერები
- ვაკანსიები
- საჩივრის განცხადებები

ყოველი განცხადების ფორმა (შესავსები ველები და ველების ტიპები) უნდა შეთანხმდეს დამკვეთთან.

- ანგარიშები

ორგანიზაციის სხვადასხვა მნიშვნელოვანი ანგარიშები, კერძოდ სტატისტიკური მონაცემები, ტენდერების და ა.შ. უნდა შეივსოს ადმინისტრატორის პანელიდან პასუხისმგებელი პირის მიერ. შევსებული ინფორმაცია ვებ გვერდზე უნდა გამოდიოდეს გრაფიკების ან/და ცხრილების საშუალებით. ასევე შესაძლებელი უნდა იყოს მოცემული ანგარიშები გენერირდებოდეს PDF ფორმატში ასევე გრაფიკების ან/და ცხრილების სახით და შესაძლებელი იყოს მათი გადმოტვირთვა.

- სტრუქტურული ხე

ორგანიზაციის კადრების და ადმინისტრაციული ერთეულების (ცენტრალური აპარატის და ცენტრალური თუ რეგიონული არქივები) უნდა გამოდიოდეს დინამიურად ბლოკების სახით. სტრუქტურის ხე გენერირდება ბაზიდან ავტომატურად ადმინისტრატორის მიერ მითითებული მონაცემებით. სტრუქტურული ხის ბლოკები (შტოები) უნდა მოიცავდეს ყველა საჭირო ინფორმაციას. ბლოკების გამოტანა, ჩაშლა თუ სხვა მანიპულაციები ხორციელდებოდეს დინამიურად დიზაინზე მორგებული ანიმაციით. ყოველ ბლოკზე შესაძლოა არსებობდეს ერთი ან რამოდენიმე ბმული გამოტანილი ინფორმაციის მიხედვით.

- სახალხო დამცველის აპარატის ცალკეული სტრუქტურული დანაყოფები უნდა უყოს ასახული სტრუქტურაში.

- სიახლეები

საიტზე ატვირთული მასალა გამოდის 3 რეჟიმით:

- ჩამონათვალის სახით - გამოდის მხოლოდ სიახლის სათაური, მცირე ზომის ფოტო (ხატულა) და შესაძლებელია მოკლე ანოტაცია ან/და ატვირთვის თარიღი. სიახლეების ჩამონათვალი თავიდან გამოდის შემოკლებული სახით (პირველი რამოდენიმე სიახლე) თუმცა შესაძლებელია სიახლეების არქივზე (კალენდარის მეშვეობით, მათშორის) გადასხვა სადაც გამოდის სიახლეების სრული ნუსხა.

- ნიუსი სრული ტექსტით - გამოდის ერთი კონკრეტული ნიუსი თავისი სათაურით, თარიღით, სრული ტექსტით, ფოტო გალერეით, ვიდეო გალერეით ან აუდიო გალერეით ნიუსის გარშემო.

- სიახლეების ბლოკს (ცალკეულ სიახლეს მათ შორის) უნდა ახლდეს ამოზეჭდვის შესაძლებლობა (ამოსაბეჭდი ვერსია).

სიახლეების ატვირთვისას შესაძლებელი უნდა იყოს მასთან დაკავშირებული ფოტო, ვიდეო და აუდიო მასალის ატვირთვა. ჩამოთვლილი მასალების ატვირთვისას შესაძლებელი უნდა იყოს ყოველი ცალკეული დოკუმენტი დასათაურდეს ან მიეთითოს სხვა ინფორმაცია. ერთიერთი მისათითებელი ინფორმაცია იქნება ასევე „კატეგორია“. ადმინისტრატორს შესაძლებლობა უნდა ქონდეს წინასწარ გაიმზადოს მისთვის საჭირო თემატური კატეგორიები

და ნებისმიერი ფოტო, ვიდეო თუ ფონო მასალის ატვირთვისას მიუთითოს არსებული კატეგორია. ამის შემდეგ ნებისმიერი დოკუმენტი რომელსაც მიენიჭა გარკვეული კატეგორია გამოდის ასევე თემატურ კატალოგებშიც. შესაძლებელი უნდა იყოს სიახლეების მოძიება, ფილტრაცია მარტივი (შესაძლოა კალენდრული) სისტემით.

- გალერეები და სხვა საინფორმაციო ბლოკები

საიტზე ატვირთული ნებისმიერი ფოტო, ვიდეო თუ აუდიო დოკუმენტი უნდა გამოდიოდეს შესაბამისი დინამიური ვიუვერით. ჩამოთვლილი დოკუმენტების საწყისი (გახსნამდე) გამოსახვა (ხატულების), დაჭერის შემდეგ მათი გადიდებული სახით გამოტანა და ერთი დოკუმენტიდან მეორეზე გადასვლა, დიდი ვერსიის დახურვა და სხვა მანიპულაციები უნდა ხორციელდებოდეს დინამიურად საიტის დიზაინზე მორგებული ანიმაციით. ვიდეო და აუდიო დოკუმენტების საიტზე განთავსება შესაძლებელი უნდა იყოს არა მხოლოდ ფაილის უშუალოდ სერვერზე ატვირთვით არამედ სხვა საიტებიდან მათი ტრანსლირებით (Embed-ის საშუალება). აგრეთვე ჩვენს საიტზე ატვირთული ვიდეო უნდა აგენერირებდეს ტეგს, რომელიც სხვა საიტზე გადასატანად იქნება გამოყენებადი (Embed-ის საშუალება). ნებისმიერ ფოტო, ვიდეო, აუდიო დოკუმენტზე თუ ტექსტურ ინფორმაციულ ბლოკზე (დამკვეთის მოთხოვნით) შესაძლებელი უნდა იყოს სხვადასხვა სოციალურ ქსელებთან ინტეგრაცია (გაზიარება, შეფასება და სხვა).

- ხშირად დასმული კითხვები

მოცემულ გვერდზე ჩამოთვლილია კითხვების და მათი პასუხები ჩამონათვალი. გამოტანილი ინფორმაციის გამარტივების მიზნით უნდა გამოდიოდეს მხოლოდ შეკითხვების ნუსხა, რომლებზე დაწკაპუნების შემდეგ იქვე დინამიურად ჩამოიშალოს შესაბამისი პასუხი. მსგავსი დინამიური ანიმაცია შესაძლებელი გამოყენებულ იქნას სხვა გვერდებზე დამკვეთის მოთხოვნით.

- პეიჯინგი

- იმ შემთხვევაში თუ ვებ-გვერდზე გამოდის დიდი ნუსხა მაშინ ის უნდა გამოდიოდეს გვერდებად დოკუმენტი (paging).

- უფლებამოსილება

- ინფორმაციას უფლებამოსილების შესახებ უნდა დაეთმოს განსაკუთრებული ყურადღება განსაკუთრებით მთავარ გვერდზე. დამკვეთის მოთხოვნით შესაძლებელია მოთხოვნილ იქნას javascript+CSS3 ტექნოლოგიით (ან ფლემ ტექნოლოგიით) ანიმირებული ბანერების გამოყენება. უფლებამოსილების ჩამონათვალი და ანიმაცია დაზუსტდეს დამკვეთთან.

- მულტიენოვანი

- საიტი უნდა იყოს ქართულ ენაზე. საიტზე ნებისმიერი მოქმედების შემდეგ აუცილებელია ვებ-გვერდმა შეინარჩუნოს არჩეული ენა. ასევე ენის ცვლილება არ მოქმედებდეს აქტიურ გვერდზე
- საიტზე განთავსებული ძირითადი ინფორმაცია (დაზუსტდეს დამკვეთთან) ინდა იყოს ასევე აფხაზურ, ინგლისურ, აზერბაიჯანულ, სომხურ, რუსულ ენებზე. საიტს უნდა ჰქონდეს შესაძლებლობა ენების (შესაბამისი გვერდების დამატების მეშვეობით) დამატების შესაძლებლობა.

- სოციალური ქსელების (www.facebook.com; www.twitter.com; და სხვა) სხვადასხვა კომპონენტების (პლაგინების) ინტეგრირება (გაზიარების ფუნქცია, შეფასების საშუალება და სხვა) და სხვადასხვა პოპულარული საინფორმაციო გვერდების (www.youtube.com; www.wikipedia.org; www.myvideo.ge;) ბმულები და მცირე ბანერები.

- საქართველოს სახალხო დამცველის აპარატთან დაკავშირებული ეროვნული თუ საერთაშორისო ორგანიზაციების ბმულები და მცირე ბანერები.

- საიტის რუკა

- „ჩემი საიტის“ ფუნქცია (ბუკმარკი)

- ვებ-გვერდზე ხელმისაწვდომი უნდა იყოს სტატისტიკა უნიკალურ მომხმარებელთა (საიტის ვიზიტორთა) შესახებ.

- ვებგვერდს უნდა გააჩნდეს კონტენტის მართვის სრულყოფილი სისტემა.

ადმინისტრაციული პანელით უნდა იყოს შესაძლებელი საიტის შინაარსობრივი ნაწილის სრული მართვა და საჭიროების შემთხვევაში ცალკეული კომპონენტების (პლაგინების) პარამენტების კონფიგურაცია.

ადმინისტრატორის პანელში დამკვეთის მოთხოვნით შესაძლებელია რამოდენიმე მომხმარებლის იუზერის

გაკეთება სხვადასხვა უფლებამოსილებებით. ადმინისტრატორის პანელის მომხმარებლებს უნდა შეეძლოთ საკუთარი პროფილის მართვა, განახლება, ახალი გვერდების ჩამატება და მართვა, ახალი მენიუს პუნქტების და ცალკეული ბანერების ჩამატება და მართვა. ნებისმიერი ტექსტური, ვიდეო თუ აუდიო მასალის ატვირთვა, გვერდზე პოზიციონირება და მართვა და ა.შ.

- საიტის ადმინისტრატორებს უნდა გააჩნდეს ვებ-გვერდის მოხმარების (ვიზიტების) ირგვლივ სხვადასხვა სრულყოფილი სტატისტიკური მონაცემების ამოღების საშუალება სხვადასხვა კრიტერიუმებით. ვებ-გვერდი უნდა იყენებდეს google analytics ან სხვა ანალოგიურ საშუალებებს.

2.3 ტექნიკური პარამეტრები:

1. დიზაინერმა უნდა უზრუნველყოს ნამუშევრის XHTML , CSS მარკირებით უზრუნველყოფა w3.org სტანდარტების მიხედვით;
2. რამოდენიმე CSS ფაილების კომბინირება ერთ (მაქს. 2) ფაილში;
3. საიტის იერსახის ჩასატვირთად გამოყენებული უნდა იყოს გამოყოფილი CSS ფაილი, სადაც აღწერილ იქნება საიტის რენდერისთვის აუცილებელი მინიმალური პარამეტრები. მეორე ფაილში საიტის სტილების ისეთი ელემენტები უნდა იყოს აღწერილი, რაც საიტის ჩატვირთვისთვის აუცილებლობას არ წარმოადგენს;
4. დაუშვებელია CSS ფაილიდან დამატებით სხვა CSS ფაილის ჩატვირთვა (CSS @import);
5. მცირე ზომის, არაქვემოთხრილი CSS გაჭრილი უნდა იყოს HTML კოდში და არ ცალკე ფაილად. (საუბარია მაქს 10 სტრიქონიან CSS-ზე);
6. დაუშვებელია CSS სტილების გამოყენება <head> –ის გარეთ;
7. CSS სტილების ჩატვირთვის დროს გასათვალისწინებელია პოზიცია (რომელი სტილი ჩაიტვირთება პირველად და რომელი - შემდეგ);
8. Css sprite- ში კომბინირებული უნდა იყოს სტატისტიკური სურათები, მენიუები, მენიუს ეფექტები და საიტის სტატისტიკური სტილი, სადაც გამოყენებული იქნება რაიმე ტიპის სურათი, ასევე საიტის ხატულები, და ნებისმიერი დილაკი;
9. Css sprite –ში გამოყენებული უნდა იყოს მხოლოდ PNG ფორმატის სურათი;
10. სურათებში მასიმალურად შემცირებული ინდა იყოს „ცარიელი ადგილი“ სურათის ხატულებს შორის;
11. Css sprite – გაერთიანებულ სურათში არ უნდა იყოს გამოყენებული 256 ფერზე მეტი და sprite სურათი უნდა იყოს 8 ბიტისანი.
12. ვებ-გვერდი იდენტურად უნდა იტვირთებოდეს ყველა ბრაუზერებში:
Internet Explorer
Opera
Safari
Mozilla Firefox
Google Chrome
(რომელიმეკომპონენტის გამოყენებისას, რომლის ანიმაცია და საერთოდ მოქმედება არ არის იდენტური სხვადასხვა ბრაუზერებში - დასაშვებია მაგრამ უნდა შეთანხმდეს დამკვეთთან)
13. ყველა დამოუკიდებელ გვერდს უნდა ჰქონდეს თავისი Title და Description
14. საიტში ნებისმიერი სურათის გამოყენებისას აუცილებელია HTML ALT ტეგის გამოყენება შესაბამისი ახსნით.
15. საიტს უნდა ჰქონდეს robots.txt
16. ვებ-გვერდის Favicon-ბის გამოყენება
17. საიტი სრულიად თავსებადი უნდა იყოს HTML5-თან.
18. დიზაინში ანიმაციის გამოყენებისას უპირატესობა მიენიჭოს javascript+CSS3 ტექნოლოგიას
19. მომხმარებლის აუტენტიფიკაციის სესიები უნდა ჩაიწეროს მონაცემთა ბაზაში სერვერის ფაილური სისტემის მაგივრად
20. გამოყენებული უნდა იყოს 2 მხრივი აუტენტიფიკაციის მექანიზმი საიტის ადმინისტრირების პანელთან წვდომისთვის, SMS, MAIL, Digipass
21. გამოყენებული კოდი უნდა იყოს სრულყოფილად დოკუმენტირებული და დამკვეთს უნდა მიეწოდოს როგორც ფაილების სრული ოდენობა ასევე საიტის დეტალური ტექნიკური დოკუმენტაცია. ასევე ფლემ კომპონენტების გამოყენების შემთხვევაში დამკვეთს უნდა გადაეცეს სამუშაო (.FLA) ფაილები და დიზაინის შემთხვევაში (.PSD) ფაილები.
22. საიტი უნდა იყოს შესრულებული PHP, Javascript, Html, CSS, MYSQL, Photoshop ტექნოლოგიების გამოყენებით.

2.4 გამარჯვებულმა პრეტენდენტმა პროდუქტი უნდა მოგვაწოდოს ეტაპობრივად. პირველ ეტაპზე მან დასამტკიცებლად უნდა წარმოადგინოს

- შემოთავაზებული დიზაინის სურათები (რენდერები);

- ვებგვერდის ზოგადი კონცეფცია და საიტის სტრუქტურის აღწერა (მომავალში დაიხვეწება დამკვეთთან შეთანხმებით);
- დიზაინის და სტრუქტურის შეჯერების და დამტკიცების შემდეგ გამარჯვებულმა კომპანიამ მეორე ეტაპზე პერიოდულად უნდა წარმოადგინოს საიტის ყოველი ცალკეული ნაწილი (ფუნქციონალი). მოწოდებული ფუნქციონალი ცალკ-ცალკე განიხილება და მტკიცდება დიზაინის და სტრუქტურის ანალოგიურად. საიტის მთლიანად დასრულების შემდეგ დამკვეთს გადაეცემა სრული საიტი და დოკუმენტაცია. ამის შემდეგ განიხილება საიტის ტექნიკური შესრულება, უსაფრთხოება და სხვა ტექნიკური პარამეტრები. ვებ- გვერდის ჩაბარების პროცესი სრულდება მისი ინტეგრირებით შესაბამის სერვერზე და ინტერნეტში სრულფასოვნად გაშვებით.

შენიშვნა: ვებგვერდის პროგრამირებისას უნდა იყოს გათვალისწინებული იუსტიციის სამინისტროს მიერ დადგენილი უსაფრთხოების და ვებ გვერდების დეველოპმენტის სტანდარტები.

ხოლო დამატებით უსაფრთხოების ბიულეტენს, რომლის მიხედვითაც უნდა შეიქმნას საიტის იერარქიული სტრუქტურა, ტენდერში გამარჯვებული კომპანია მიიღებს ტენდერის დასრულების შემდეგ.

არქიტექტურა : MVC
პროგრამული ენა : PHP
მონაცემთა ბაზა : MySQL

2.5. მიწოდების ვადები

მომსახურების მიწოდებას გამარჯვებული პრეტენდენტი განახორციელებს ხელშეკრულების გაფორმებიდან 30 (ოთმოდცდაათი) კალენდარული დღის ვადაში.

2.6. სავარაუდო ღირებულება: 10 000 (ათი ათასი) ლარი.

2.7. დამატები მოთხოვნები:

2.7.1. საერთო წინადადებაში საერთო და ერთეულის ფასი გამოსახული უნდა იყოს ყველა ხარჯის გათვალისწინებით, როგორცაა: საქართველოს კანონმდებლობით დადგენილი გადასახადები თუ მოსაკრებლები (მათ შორის - დღგ);

2.7.2. სატენდერო წინადადების საერთო და ერთეულის ფასის წამოდგენა დასაშვებია მხოლოდ ეროვნულ ვალუტაში - ლარი.

2.8. პრეტენდენტის მიერ სისტემაში ასატვირთი მონაცემები

2.8.1. რეკვიზიტები (დანართი 1)

2.8.2. სატენდერო წინადადების ფასი;

2.8.3 მომსახურების ღირებულება;

2.8.4. შესრულების გრაფიკი და ვადები;

2.8.5 ტექნიკური აღწერა იმ კომპონენტების (ტექნოლოგიები, პროგრამული ენა, ბაზა და ძირითადი ბიბლიოთეკები) რომლებთანაც ის გამოიყენებს ვებ-გვერდის შექმნისას.

2.8.6. ინფორმაცია ანალოგიური გამოცდილების შესახებ 2010-2013 წლები;

სატენდერო დოკუმენტაციასთან დაკავშირებული განმარტებების მიღება შეუძლიათ პრეტენდენტებს შემდეგ პირებთან:

დავით მანაგაძე, dmanagadze@ombudsman.ge 577 122-729

მარიამ კვიციანი, mkvitsiani@ombudsman.ge

2. ხელშეკრულების პროექტი სახელმწიფო შესყიდვების შესახებ ხელშეკრულების პროექტი

სახელმწიფო შესყიდვების შესახებ ხელშეკრულების პროექტი წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება სშ #
სახელმწიფო შესყიდვის შესახებ
(გამარტივებული ელექტრონული ტენდერი)
(CPV 72413000)

ქ. თბილისი

„—“ „—————“ 2013წ.

საქართველოს სახალხო დამცველის აპარატი (მისამართი: ქ. თბილისი, რამიშვილის ქ. №6 ტელეფონი: 2913814/15 ფაქსი: 2913841, საბანკო რეკვიზიტები: სახელმწიფო ხაზიანა კოდი: 220101222 ა/ა: 200122900 შემდგომში წოდებული „შემსყიდველად“, წარმოდგენილი სახალხო დამცველის მოადილის პაატა ბელთაძის სახით და ----- (მისამართი: ----- ტელეფონი: -----, საბანკო რეკვიზიტები: ანგ. -----, - კოდი: -----, სკ-----) შემდგომში წოდებული „მიმწოდებლად“, წარმოდგენილი მისი დირექტორის ----- სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები (გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს).

1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ - კალენდარული დღე, კვირა, თვე.

1.4. „შემსყიდველი“ - ორგანიზაცია, რომელიც ახორციელებს შესყიდვას.

1.5. „მიმწოდებელი“ - პირი, რომელიც ახორციელებს მომსახურებას ამ ხელშეკრულების ფარგლებში.

2. ხელშეკრულების საგანი

2.1 საქართველოს სახალხო დამცველის აპარატისთვის ვებ-გვერდის დიზაინის შექმნის მომსახურების შესყიდვა.

3. ხელშეკრულების ღირებულება

3.1. ხელშეკრულების ღირებულება შეადგენს ----- ლარს.

3.2. ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3. ფასის ცვლილების შემთხვევაში მიმწოდებელი ვალდებულია აღნიშნულის შესახებ აცნობოს წერილობით შემსყიდველს, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

4. ხელშეკრულების შესრულების კონტროლი

- 4.1. შემსყიდველის მიერ ხელშეკრულების შესრულების კონტროლი განხორციელდება, როგორც მომსახურების გაწევის დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად.
- 4.2. ხელშეკრულების ინსპექტირებას განხორციელებს საქართველოს სახალხო დამცველის აპარატი.
- 4.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული მომსახურება, მიმწოდებელი ვალდებულია შეტყობინებიდან 1 (ერთი) დღეში გამოსწოროს წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს აღნიშნული წუნდებული მომსახურების ღირებულება. მომსახურების უხარისხობა დადასტურებული უნდა იყოს შესაბამისად უფლებამოსილი ორგანოს (პირის) დასკვნით.

5. მომსახურების მიღება-ჩაბარების წესი

- 5.1. მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

6. ანგარიშსწორება

- 6.1. ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა - ლარი;
- ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
- 6.2. შემსყიდველი იღებს ვალდებულებას გადაუხადოს მიმწოდებელს გაწეული მომსახურების ღირებულებ მიღება-ჩაბარების აქტის გაფორმებიდან და სპეციალური საგადასახადო ანგარიშ-ფაქტურის წარმოდგენიდან 20 (ოცი) დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

7. ხელშეკრულების შესრულების შეფერხება

- 7.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოძწევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

- 7.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-9 მუხლის შესაბამისად.

8. ხელშეკრულების პირობების შეუსრულებლობა

- 8.1. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, - ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით, ხოლო თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შესასრულებელი ნაწილის 0.1%-ს. მხარის მიერ პირგასამტეხლოს გადახდა უნდა მოხდეს შესაბამისი წერილობითი შეტყობინებიდან არაუგვიანეს 5 (ხუთი) სამუშაო დღისა. მიმწოდებლისათვის დაკისრებული პირგასამტეხლოს გადახდა შესაძლებელია განხორციელდეს აგრეთვე მიმწოდებლისათვის ასანაზღაურებელი თანხიდან გამოქვითვის გზით.
- 8.2. შემსყიდველის მხრიდან, ანაზღაურების ვადების გადაცილების შემთხვევაში შემსყიდველს ეკისრება პირგასამტეხლო ყოველ ვადაგადაცილებულ დღეზე გადაუხდელი თანხის 0,1 %-ის ოდენობით.
- 8.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს ცალმხრივად შეწყვიტოს ხელშეკრულება.
- 8.4. პირგასამტეხლოს გადახდა არ ათავისუფლებს მხარეებს ხელშეკრულებით ნაკისრი ძირითადი ვალდებულებების შესრულებისგან.

9. ხელშეკრულებაში ცვლილებების შეტანა

9.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10. დავების გადაწყვეტა

10.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

10.2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

11. ხელშეკრულების შეწყვეტა

11.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

11.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

11.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

12. ხელშეკრულების მოქმედების ვადა

12.1. წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2013 წლის 31 დეკემბრის ჩათვლით.

13. ფორს-მაჟორი

13.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

14. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

15. მხარეთა რეკვიზიტები:

დანართი N1

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:
ბანკის კოდი:
ანგარიშსწორების ანგარიში:

აფიდავიტი
სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადებისგან საჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას. თანხმობა სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 1951 მუხლის შესაბამისად.

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელ-ფოსტა:

ბანკის დასახელება:

ბანკი კოდი:

ანგარიშსწორების ანგარიში: